

430



Odbor za javna priznanja  
Kantona Sarajevo

Broj:01-05-12171/16  
Sarajevo, 22.04.2016.godina

KOLEGIJ SKUPŠTINE KANTONA SARAJEVO  
n/r svim članovima

PREDMET: Zahtjev za dopunu dnevnog reda 14. radne sjednice Skupštine Kantona Sarajevo.

Poštovani,

Odbor za Javna priznanja Kantona Sarajevo je na današnjoj sjednici donio odluke o dodjeli javnih priznanja za 2015.godinu koje verifikuje Skupština u skladu sa članom 6. Zakona o javnim priznanjima Kantona Sarajevo. U cilju blagovremenih priprema za svečanu sjednicu Skupštine Kantona Sarajevo, koja će se održati 5.05.2016.godine, molimo Vas, da odluke koje se nalaze u prilogu ovog akta, uvrstite na dnevni red 14.radne sjednice zakazane za 27.04.2016.godine.

S poštovanjem.



PREDSJEDAVAJUĆI ODBORA

Sejo Bukva

Prilog: Odluke Odbora sa obrazloženjima(5)





Na osnovu člana 9. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj:2/10), Skupština Kantona Sarajevo na sjednici održanoj dana 27.04.2016. godine, donijela je

## O D L U K U

### O VERIFIKACIJI ODLUKE PROGLAŠENJU POČASNOG GRAĐANINA KANTONA SARAJEVO

#### I

Skupština Kantona Sarajevo verifikuje Odluku o proglašenju počasnog građanina Kantona Sarajevo, gosp. Gari Kimović Kasparov.

#### II

Odluka o proglašenju počasnog građanina Kantona Sarajevo, donesena je za izuzetne zasluge i doprinos u pružanju podrške građanima Kantona Sarajevo tokom opsade Sarajeva, te širenju istine o ratnim dešavanjima u Sarajevu i Bosni i Hercegovini, kao i unapređenju međunarodne saradnje na načelima solidarnosti, demokratičnosti, humanosti, među ljudima različite nacije, vjere i kulture.

#### III

Ova odluka objavit će se u “Službenim novinama Kantona Sarajevo”.

Broj: 01-05-  
27.04.2016.godine  
SARAJEVO

PREDSJEDATELJICA  
SKUPŠTINE KANTONA SARAJEVO

Prof. Ana Babić





**Odbor za javna priznanja  
Kantona Sarajevo**

**Broj:01-05-12171/16  
Sarajevo, 21.04.2016.godina**

Na osnovu člana 3.stava 2 i 3 i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.04.2016.godine, donio je jednoglasno

**ODLUKU  
O PROGLAŠENJU POČASNOG GRAĐANINA  
KANTONA SARAJEVO**

**I**

Gospodin Gari Kimovič Kasparov, proglašava se Počasnim građaninom Kantona Sarajevo za izuzetne zasluge i doprinos u pružanju podrške građanima Kantona Sarajevo tokom opsade Sarajeva, te širenju istine o ratnim dešavanjima u Sarajevu i Bosni i Hercegovini, kao i unapređenju međunarodne saradnje na načelima solidarnosti, demokratičnosti, humanosti, među ljudima različite nacije, vjere i kulture.

**II**

Počasnom građaninu dodjeljuje se Povelja Kantona Sarajevo.

**III**

Ova odluka dostavlja se Skupštini Kantona Sarajevo na verifikaciju.



**PREDSJEDAVAJUĆI ODBORA**

**Sejo Bukva**



## **Odbor za javna priznanja Kantona Sarajevo**

### **N/r članovima**

#### **Prijedlog za Počasnog građanina Kantona Sarajevo: Gari Kimović Kasparov**

Gari Kimović Kasparov rođen je 13. Aprila 1963 g. u Bakuu, Azerbajdžanu, tadašnjem Sovjetskom savezu. Šahovski je velemajstor i svjetski prvak od 1985. do 2000 godine. Mnogi ga smatraju najvećim šahistom svih vremena. Na svjetskoj šahovskoj ljestvici Svjetske šahovske federacije - došao je na prvo mjesto ispred tadašnjeg svjetskog prvaka Anatolija Karpova 1983.. i do januara 2006.. neprekidno je bio prvi. Značajan je i po svom političkom djelovanju u korist reformi i demokracije u Sovjetskom savezu odnosno Rusiji od druge polovine 1980-ih. Godine 2005. završava šahovsku karijeru i posvećuje se borbi za ljudska prava u Rusiji.. Osnivač je šahovskih zaklada "Kasparov", "Kasparov Evropa", "Kasparov Afrika", "Kasparov Azija i Pacifik". "Kasparov Latinska Amerika", kojima je prvenstveni cilj uključivanje šaha u obrazovni proces učenika.

#### **Obrazloženje za prijedlog:**

Tokom ratne 1994. g. došao je u Sarajevo, igrao besplatno za Šahovski klub Bosna i konstantno pomagao šahu u Bosni i Hercegovini..

Dio je tima Šahovskog kluba Bosna koji se na Evropskom prvenstvu koje je održano 1994. u Lionu u konkurenciji 8 najboljih evropskih klubova popeo na pobjedničko postolje i okitio zlatnim medaljama.

Jedan od najvećih živućih mislilaca, mirovni aktivista i osoba koja mnogo ulaže u mlade i njihove obrazovanje je u najtežim trenucima po Sarajevo koje se nalazilo pod opsadom agresora bio tu pod granatama i snajperskim mecima, zajedno sa napaćenim građankama i građanima Sarajeva i na taj način koristeći vlastiti ugled i autoritet kao priznati šahovski velemajstor dao svoj doprinos da se istina o dešavanjima u našem glavnom gradu proširi i da dođe do onih koji su u tim trenucima u ime međunarodne zajednice trebali da donesu odluku o konačnom prekidu ubijanja Sarajeva i države Bosne i Hercegovine

*Predsjedateljica Skupštine Kantona Sarajevo*

*Ana Babić, s.r.*



Na osnovu člana 9. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana 27.04.2016. godine, donijela je

## ODLUKU

### VERIFIKACIJI ODLUKE O DODJELI PLAKETE KANTONA SARAJEVO

#### I

Skupština Kantona Sarajevo verifikuje Odluku o dodjeli plakete Kantona Sarajevo gosp. Senadu Hadžifejzoviću, kao priznanje za izuzetan doprinos u promicanju medijskih sloboda, istine o borbi i odbrani Sarajeva i Bosne i Hercegovine u proteklom ratu, te njegovanju istraživačkog novinarstva u funkciji objektivnog izvještavanja i kreiranja medijske scene u Sarajevu i Bosni i Hercegovini.

#### II

Ova odluka objavit će se u “ Službenim novinama Kantona Sarajevo”.

Broj: 01-05-  
27.04.2016.godine  
SARAJEVO

PREDSJEDATELJICA  
SKUPŠTINE KANTONA SARAJEVO

Prof. Ana Babić





**Odbor za javna priznanja  
Kantona Sarajevo**

**Broj:01-05-12171/16  
Sarajevo, 21.04.2016.godina**

Na osnovu člana 4.stava 1 i 3 i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.04.2016.godine, donio je jednoglasno


**ODLUKU  
O DODJELI PLAKETE  
KANTONA SARAJEVO**

**I**

Gospodinu Senadu Hadžifejzoviću, dodjeljuje se Plaketa Kantona Sarajevo, kao priznanje za izuzetan doprinos u promicanju medijskih sloboda, istine o borbi i odbrani Sarajeva i Bosne i Hercegovine u proteklom ratu, te njegovanju istraživačkog novinarstva u funkciji objektivnog izvještavanja i kreiranja medijske scene u Sarajevu i Bosni i Hercegovini.

**II**

Ova odluka dostavlja se Skupštini Kantona Sarajevo na verifikaciju.



**PREDSJEDAVAJUĆI ODBORA**

**Sejo Bukva**



e-mail: [sk@ks.gov.ba](mailto:sk@ks.gov.ba); [www.ks.gov.ba](http://www.ks.gov.ba)  
Tel: + 387 (0) 33 562-055, + 387  
Fax: + 387 (0) 33 562-210  
Sarajevo, Reisa Džemaludina Čauševića 1



ASOCIJACIJA ZA INTERKULTURALNE AKTIVNOSTI I  
SPAŠAVANJE NASLJEĐA U BIH  
Ul. Despića br.2,  
Sarajevo  
Tel: 033/225-485

**SKUPŠTINA KANTONA SARAJEVO**  
**Odbor za javna priznanja Kantona Sarajevo**

**Predmet:** Prijedlog za dodjelu Plakete Kantona Sarajevo Senadu Hadžifežoviću

Povodom objavljivanja javnog poziva za dodjelu javnog priznanja Kantona Sarajevo za 2015. godinu, dostavljamo Vam inicijativu za dodjelu Plakete Kantona Sarajevo za gospodina Senada Hadžifežovića.

U ime svih potpisanih nevladinih organizacija dostavljamo inicijativu u nadi da ćete je prihvatiti, unaprijed se zahvaljujemo.

S poštovanjem,

Sarajevo, 12.04.2016. godine

Predsjednik  
  
Mervida Šerdarević  


## U d r u ž e n j a:

Asocijacija za interkulturalne aktivnosti i spašavanje nasljeđa u BiH  
Udruženje „Supervizor”  
Udruženje za zaštitu žena i djece „Terra”  
Udruženje RIVER – pomozí sebi i drugima  
Centar za žene “ŽAR”  
Udruženje za podršku mladima i porodici

## SKUPŠTINA KANTONA SARAJEVO Odbor za javna priznanja Kantona Sarajevo

**Predmet:** Prijedlog za dodjelu Plakete Kantona Sarajevo Senadu Hadžifejzoviću

U ime sedam gore navedenih udruženja podnosimo inicijativu za dodjelu javnog priznanja „Plaketa Kantona Sarajevo” zaslužnom građaninu Senadu Hadžifejzoviću, rođenom 1962. godine.

Imenovanog predlažemo zbog zasluga i aktivnosti koje doprinose razvoju demokratskog društva i doprinosu koji je dao u očuvanju integriteta Bosne i Hercegovine tokom cijele agresije, a i u posljednjih 26 godina.

Svi koji su, u dane agresije na Bosnu i Hercegovinu, bili u obruču i branili Sarajevo od agresora, znaju veličinu i značaj TV Dnevnika emitovanog 2. maja 1992. godine na TV BiH, povodom hapšenja Predsjednika Republike Bosne i Hercegovine Alije Izetbegovića, od strane srpske agresorske vojske na Aerodromu Sarajevo. Uloga Senada Hadžifejzovića, njegova hrabrost i novinarske vještine bile su od ogromnog značaja za odbranu države i oslobađanje legitimnog predsjednika Republike Bosne i Hercegovine.

O svim ovim događajima Senad Hadžifejzović je detaljno pisao u svojoj knjizi “Rat uživo”.

O ulozi i doprinosu Senada Hadžifejzovića razvoju cjelokupne demokratske javnosti, kao i informisanju javnog mnijenja o stvarnim činjenicama, dovoljno govori bogata biografija, koju u prilogu dostavljamo.

Senad Hadžifejzović, kao novinar, dao je i daje ogroman doprinos svojim djelovanjem i radom u cilju pružanja tačnih informacija prikupljenih iz više izvora, kako bi javnost imala što objektivniju sliku i spoznaju, čime je sprečavao i sprečava apsolutnu vladavinu i kreiranje javnog mnijenja iz određenih centara moći.

Također, kroz svoj rad, Senad Hadžifejzović doprinosi afirmaciji i očuvanju sjećanja na kulturno-historijsko naslijeđe BiH, posebno kroz afirmaciju sevdalinka (emitovanjem




specijalnih emisija), što umnogome doprinosi da većina gledalaca uživa u pravim kulturnim vrijednostima, a ne da je osuđena na kič i šund koji su preplavili medije u cijelom regionu.

Nadamo se da će ovakav primjer biti dovoljna motivacija za sadašnje i buduće, prije svega mlade novinare, kao i to da je ovaj Kanton prepoznao i odao priznanje ovakvim pojedincima.

Sarajevo, 12.04.2016. godine

PODNOŠIOCI INICIJATIVE:

Asocijacija za interkulturalne aktivnosti i  
spašavanje naslijeđa u BiH

  
Mevlida Serdarević


Udruženje „Supervizor”

  
Damir Mirković

Udruženje za zaštitu žena i djece „Terra”

  
Vesna Barić

Udruženje RIVER – pomozì sebi i drugima

  
Mirjeta Nezirović

Centar za žene (ŽAR)

  
Meta Dizdarević

Udruženje za podršku mladima i porodici

  
Zlata Haverić

## **Senad Hadžifejzović**

2009. osnovao FACE tv ,prvu HD televiziju u regionu,koja je prvobitno program emitovala u iznajmljenom terminu na TV1.

Njegov prvi tekst objavljen je u novinama 1974. godine, beogradska Borba objavila je tekst 12-godišnjeg Hadžifejzovića kao najbolji novinarski rad mladog autora.

Od 1978 do 1984 radio je za: Borbu (Beograd), Večernje Novosti (Beograd), Omladinske novine (NON Beograd), Radio Index 202 (Beograd), Radio Sarajevo 202, Večernje novine (Sarajevo). U ovom periodu u novinama objavio više od 800 tekstova, članaka, reportaža, komentara... Na radio stanicama bio reporter, voditelj, urednik.

Od 1981 do 1984 studirao žurnalistiku na Fakultetima političkih nauka u Beogradu i Sarajevu. Diplomirao u Sarajevu 1984 i bio najmlađi diplomac na fakultetu.

Svoj prvi profesionalni ugovor potpisao 1985 za Radio Sarajevo i iste godine postao najmlađi urednik Radio Sarajeva. Urednik Zajedničkog programa radio stanica Bosne i Hercegovine. Uređivao i koordinirao program 52 lokalne stanice u BiH, uređivao zajedničku informativnu emisiju „Susret na talasu“.

1987. pokrenuo je i uređivao Omladinski program, najveći medijski projekat u Jugoslaviji. Projekat uređivao sa Borom Kontićem.Omladinski program dnevno je slušalo 800.000 mladih u cijeloj Jugoslaviji.

Naredne godine specijalizirao televizijsku i dokumentarnu režiju na FAMU akademiji (Filmska akademija) u Pragu (Čehoslovačka). Diplomirao u klasi profesorice Hane Jemelikove.

Od 1988 do 1992 uređivao i vodio emisiju „Pet do dvanaest“ na Televiziji Sarajevo (sa Aleksandrom Pavlovićem). Gosti emisije bila su najznačajnija imena jugoslovenske inteligencije.

1990 godine pokrenuo, uređivao i vodio „HadžiFace to Face“, prvi televizijski talk-show u Jugoslaviji. Emitiran je uživo, favorizirajući direktnu raspravu sa gledaocima o aktuelnim temama. Bilo je to pionirsko iskustvo i za autora i za javnost- uključivanje gledalaca u program uživo bez prethodne provjere njihovog identiteta.

1990. godine imenovan za urednika i voditelja Dnevnika, centralne informativne emisije Televizije Sarajevo. Najmlađi urednik Dnevnika u Jugoslaviji. Istovremeno radio i kao šef DESK-a, reporter, specijalni izvještač sa ključnih političkih događaja u zemlji (sastanci predsjednika jugoslovenskih republika)...

1993 jedan od osnivača i prvi glavni i odgovorni urednik Radija Stari Grad Sarajevo.

Od 1993 do 1996 dopisnik RFI-ija (Radio France International).

Od 1996 do 1998 uređivao i vodio remake talk-showa Face to Face.

1998 imenovan za Glavnog i odgovornog urednika i Direktora Televizije Bosne i Hercegovine. U istraživanjima javnosti koje je provela agencija Mareco Index Bosnia Televizija Bosne i Hercegovine je u periodu 1998-2000 imala ubjedljivo najveću gledanost. U istom periodu otplaćeni su (naslijedeni) milionski dugovi TVBiH.

2000 privremeno rukovodstvo RTV BiH, pod političkim diktatom, donijelo odluku da Hadžifejzovića smijeni sa dužnosti Glavnog urednika i Direktora Televizije BiH uz paradoksalno obrazloženje da je to učinjeno „na zahtjev Senada Hadžifejzovića“. Prešutno, bez obrazloženja, smijenjen i sa mjesta urednika Dnevnika. Ostao bez posla, bez ikakvog angažmana.

2002 objavio knjigu Rat uživo - War: live on air, na bosanskom i engleskom (Mladinska knjiga, Ljubljana) Knjiga je kompilacija svih razgovora koje je autor vodio u programu uživo sa ključnim akterima rata u Bosni i Hercegovini (od '92. do '95.). Knjiga proglašena „Knjigom godine u BiH“

2003 privremeno imenovan za urednika Specijalnih projekata PBS-a (Public Broadcasting Service). Imenovanje je bilo izvinjenje i pokušaj nagodbe novog rukovodstva RTV BiH za smjenu Senada Hadžifejzovića koju je obavilo bivše rukovodstvo televizije 2000. godine.

2003 nakon takve „satisfakcije“, u saradnji sa TV HAYAT nastavio projekat Dnevnika kome su prijatelji nadjenuli ime „Centralni dnevnik sa Senadom Hadžifejzovićem“. CD je najgledanija informativna emisija u BiH, najdugotrajniji TV Dnevnik jednog urednika-autora u historiji regiona. Od 1990-2014, u 24 godine, uživo emitovano više od 2.300 CD-a.

2009 osnovao FACE tv, prvu HD televiziju u regionu, koja je prvobitno program emitovala u iznajmljenom terminu na TV1.

2012, 15. januara FACE počeo emitovanje svog programa na svom kanalu, frekvenciji, preko kabl operatera, EUTELSATa, IP platformi. Koncept FACE-a je slobodno, direktno, nezavisno, istraživačko novinarstvo, program uživo, domaća i regionalna produkcija; nova tv lica: FACE tv nove tv FACE.

Dobio je slijedeća priznanja:

1991. TV ličnost godine

1993. Najbolji novinar u Bosni i Hercegovini - Savez novinara BH

1996. Najbolja TV emisija u Bosni i Hercegovini - "Face to face"

1997. Najbolja TV emisija u Bosni i Hercegovini - "Face to face"

1999. Najbolja TV godine u BiH - TV BiH - Savez novinara BH

2003. Najbolja knjiga - publicistika u BiH - "Rat uživo" - Udruženje izdavača BH

2005. Najveće društveno priznanje - 6. aprilska nagrada Grada Sarajeva

2005. Nagrada Internacionalne lige humanista - "Humanista godine" - plaketa Linus Pauling

2010. Najbolji medijski menadžer „Menadžer godine“ regiona

2014. Najbolji novinar u BiH - Društvo novinara BH

2014 Nagrada „Medijski tv servis Evrope-Face tv“ - Evropski pokret BH



Na osnovu člana 9. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana 27.04.2016. godine, donijela je

## **ODLUKU**

### **O VERIFIKACIJI ODLUKE O DODJELI PLAKETE KANTONA SARAJEVO**

I

Skupština Kantona Sarajevo verifikuje Odluku o dodjeli plakete Kantona Sarajevo Gosp. Nijazu Hastoru, kao priznanje za izuzetan doprinos razvoju poduzetništva, privrednog i ekonomskog razvoja Kantona Sarajevo, te Bosne i Hercegovine u cijelosti, kao i za podršku obrazovanju i osnaživanju mladih na prostoru cijele države.

!!

Ova odluka objavit će se u “Službenim novinama Kantona Sarajevo”.

Broj: 01-05-  
27.04.2016. godine  
SARAJEVO

**PREDSJEDATELJICA**  
**SKUPŠTINE KANTONA SARAJEVO**

Prof. Ana Babić





Odbor za javna priznanja  
Kantona Sarajevo

Broj:01-05-12171/16  
Sarajevo, 21.04.2016.godina

Na osnovu člana 4.stava 1 i 3 i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.04.2016.godine, donio je jednoglasno

**ODLUKU  
O DODJELI PLAKETE  
KANTONA SARAJEVO**

**I**

Gospodinu Nijazu Hastoru, dodjeljuje se Plaketa Kantona Sarajevo, kao priznanje za izuzetan doprinos razvoju poduzetništva, privrednog i ekonomskog razvoja Kantona Sarajevo, te Bosne i Hercegovine u cijelosti, kao i za podršku obrazovanju i osnaživanju mladih na prostoru cijele države.

**II**

Ova odluka dostavlja se Skupštini Kantona Sarajevo na verifikaciju.



**PREDSJEDAVAJUĆI ODBORA**

*Sejo Bukva*  
**Sejo Bukva**



e-mail: [sks@ks.gov.ba](mailto:sks@ks.gov.ba); [www.ks.gov.ba](http://www.ks.gov.ba)  
Tel: + 387 (0) 33 562-055, + 387  
Fax: + 387 (0) 33 562-210  
Sarajevo, Reisa Džemaludina Čauševića 1



**Skupština Kantona Sarajevo**  
**Odbor za javna priznanja**  
**n/r članovima**

**Prijedlog za Plaketu Kantona Sarajevo pojedinačna:**

**Nijaz Hastor**

*vlasnik i osnivač ASA i Prevent grupacije*

Nijaz Hastor je rođen 01. januara 1951 u Ustipračićima, srednjoškolsko obrazovanje završio u Gorazdu, a Ekonomski fakultet u Sarajevu, 1974. godine. Zaposlio se, odmah po završetku školovanja, u Tvornici automobila Sarajevo (TAS) i za 15 godina rada izrastao u menadžera izuzetnih sposobnosti, osobenog strateškog promišljanja i posebne poslovne filozofije. Prešao je u Wolfsburg 1989. godine i to je bio početak nove priče – poduzetničke, razvojne, ljudske. Nenametljivo, polako a sigurno počeo je izgradnju velikog poslovnog sistema ASA Prevent grupacije. U njegovim temeljima je vizija boljeg, razvijenijeg i sretnijeg društva.

Prijedlog se odnosi na njegov doprinos razvoju poduzetništva, privrednog i ekonomskog razvoja Kantona Sarajevo i države Bosne i Hercegovine u cijelosti te doprinos obrazovanju mladih a sve u cilju smanjenja nezaposlenosti.

Druga, manje poznata, ali nesumnjivo veoma značajna, dimenzija rada gospodina Hastora je stalna podrška sportu, manifestacijama iz oblasti kulture i umjetnosti, a posebno obrazovanju. Osnovao je Fondaciju Hastor, koja je nastavak djelovanja Hastor Stiftung iz Wolfsburga.

**Obrazloženje**

Danas Grupacija zapošljava više od 14 hiljada radnika u preko 15 država na četiri kontinenta. Samo u Bosni i Hercegovini ASA i Prevent grupacija zapošljava više od 5.200 uposlenika. ASA Prevent grupacija je najveća privatna kompanija u Bosni i Hercegovini. Organizirana je u proizvodnu, prodajnu i finansijsku diviziju, a djeluje u Sarajevu, Gorazdu, Visokom, Zenici, Tešnju... ASA Prevent stalno otvara nove pogone, a jedan od tih primjera je fabrika kože "Prevent Leder" koja spada u red najvećih i najmodernijih pogona za preradu prirodne kože na prostoru jugoistočne Evrope, s dnevnim kapacitetom od 3.000 koža.

ASA grupacija je vezana za Bosnu i Hercegovinu, dok Prevent se bavi proizvodnjom automotiva u brojnim zemljama Evrope, USA, Brazila, Sjeverne Afrike. U Njemačkoj Hastora smatraju jednim od najboljih poduzetnika kad je u pitanju strateško planiranje i donošenje strateških poslovnih odluka.

Pored uspješnog biznismena, gospodin Hastor je veliki filantrop. Prije deset godina osnovao je fondaciju HASTOR: to je dobrotvorna, neprofitna organizacija koja od 2006. godine svojim radom podržava i osnažuje djecu i mlade u nastojanju da postanu samosvjesni lideri u svojim zajednicama. Osnovna ideja i cilj Fondacije Hastor je pružiti šansu mladima da svojim uspješnim školovanjem kao i volonterskim radom učestvuju u razvijanju lokalnih zajednica i vlastitih resursa. Fondacija Hastor ulaže maksimalne napore kako bi svoje stipendiste čije se školovanje bliži kraju, pripremila za izazove poslovne sredine i tržišta rada. Iskustvo koje stiču prilikom volonterskih aktivnosti ima veoma važnu ulogu buduću poslovni uspjeh naših stipendista.

Fondacija Hastor stipendira 1.393 osnovaca, srednjoškolaca i studenata iz svih dijelova Bosne i Hercegovine i to 12 mjeseci godišnje u 375 – obrazovnih institucija i 98 općina.

Za dosadašnji rad Nijaz Hastor je dobio brojna priznanja, među ostalim: Šestoaprilsku nagradu Grada Sarajeva, počasni je građanin Visokog, počasni građanin grada Gorazde, proglašen više puta za najmenadžera Jugoistočne Evrope i dijaspore...



Na osnovu člana 9. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana 27.04.2016. godine, donijela je

## ODLUKU

### O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli plakete Kantona Sarajevo gosp. Davorinu Popoviću, posthumno, kao priznanje za izuzetan doprinos izgradnji prepoznatljive sarajevske muzičke scene, te kreiranju i očuvanju umjetničkog duha Sarajeva.

II

Ova odluka objavit će se u “Službenim novinama Kantona Sarajevo”.

Broj: 01-05-  
27.04.2016. godine  
SARAJEVO

PREDSJEDATELJICA  
SKUPŠTINE KANTONA SARAJEVO

Prof. Ana Babić





Odbor za javna priznanja  
Kantona Sarajevo

Broj:01-05-12171/16  
Sarajevo, 21.04.2016.godina

Na osnovu člana 4.stava 1 i 3 i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečošćeni tekst"), Odbor za javna priznanja Kantona Sarajevo, na sjednici održanoj dana 21.04.2016.godine, donio je jednoglasno

**ODLUKU  
O DODJELI PLAKETE  
KANTONA SARAJEVO**

**I**

Gospodinu Davorinu Popoviću, dodjeljuje se, posthumno, Plaketa Kantona Sarajevo, kao priznanje za izuzetan doprinos izgradnji prepoznatljive sarajevske muzičke scene, te kreiranju i očuvanju umjetničkog duha Sarajeva.

**II**

Ova odluka dostavlja se Skupštini Kantona Sarajevo na verifikaciju.

  
**PREDSJEDAVAJUĆI ODBORA**  
Sejo Bukva 





## **Prijedlog za Plaketu za posthumno priznanje Kantona Sarajevo: Davorin Popović**

Davorin Popović rođen je 23.09.1946. godine u Sarajevu. U užem krugu obitelji i prijatelja ime mu je bilo - Davor. Odmilja su ga zvali I Dačo, a dobio je nadimak *Pimpek* još u djetinjstvu zbog male izrasline kraj lijevog uha. Sam sebe zvao je - *Pjevač*, a svoje priče započinjao je riječima: "Slušaj, da ti pjevač nešto kaže...". Studirao je na Fakultetu političkih nauka u Sarajevu, a od rane mladosti bavio se rukometom i košarkom u kojoj je važio za jednog od najvećih tadašnjih sarajevskih talenata. Bio je kapiten košarkaškog kluba "Mlada Bosna", koji se kasnije preimenovala u KK Željezničar. Kao standardni prvotimac kluba odigrao je preko 500 utakmica. Sportom se prestao baviti 1968. godine. Muzičku karijeru Davorin je počeo u Lutalicama, a Indexima pristupa krajem 1964. godine i zaštitni je znak grupe sve do njezinog kraja 2001. godine. Kao vokalni solist, ali opet uz podršku matične grupe, objavio je tri albuma: "Svaka je ljubav ista (osim one prave)" (1975.), "S tobom dijelim sve" (1984.) i album istog naziva, ali s drugim pjesmama 1995. godine. Pjevao je "Žute dunje" za soundtrack filma "Kuduz", a nastupio je i na Eurosongu, 1995. godine, kada je predstavljao Bosnu i Hercegovinu s pjesmom "21. vijek". U 80-tim godinama je vrlo često nastupao s dječjom vokalnom grupom Mostarske kiše. Oženio se 11. januara 1991. godine i u braku sa Sanjom ima sina Daria. Kao član Indexa, dobitnik je Šestoaprilske nagrade grada Sarajeva, koja se dodjeljuje najistaknutijim stvaraocima u svim područjima, te estradne nagrade Jugoslavije. Preminuo je 18.06.2001. u Sarajevu od raka gušterače.

### **Obrazloženje za prijedlog:**

Davorin Popović je svojom ličnošću I karakterom predstavljao Sarajevo I Sarajlije gdje god bi se pojavio. Zračio je svojom običnošću i jednostavnošću što je karakteristika rijetkih ljudi I privlačio oko sebe veliki broj običnih ljudi koji su ispunjavali njegovu svakodnevicu, a bio je omiljen I među kolegama muzičarima I fanovima koji su u njegovom glasu prepoznavali prijatelja I druga.. Njegov doprinos muzičkoj sceni prije svega kroz grupu Indexi, pa I kroz njegov lični muzički opus Indexi je od neprocjenjive vrijednosti za Sarajevo I državu Bosnu I Hercegovinu. Zajedno sa Indexima bio je jedan od predvodnika sarajevske "rock & roll" škole koja je uveseljavajući građane naše države tako I bivših republika nekadašnje Jugoslavije bila ispred svog vremena i koja će ostaviti neizbrisivi trag u svima nama za vijeke vijekova. Muzička I uopšte kulturna sarajevska scena je preživjela ogroman gubitak njegovim odlaskom na onaj svijet, ali je on kroz svoje pjesme ostao zauvijek u nama.

*Odbor za javna priznanja Kantona Sarajevo*



Na osnovu člana 9. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana 29.04.2016. godine, donijela je

## O D L U K U

### O VERIFIKACIJI ODLUKE O DODJELI PLAKETE KANTONA SARAJEVO

#### I

Skupština Kantona Sarajevo verifikuje Odluku o dodjeli plakete Kantona Sarajevo, Kadetskoj košarkaškoj reprezentaciji Bosne i Hercegovine, kao priznanje za postignute uspjehe i rezultate na evropskom prvenstvu, te doprinos razvoju i promociji sporta na području Kantona Sarajevo i afirmaciji države Bosne i Hercegovine.

#### II

Ova odluka objavit će se u “ Službenim novinama Kantona Sarajevo”.

Broj: 01-05-  
27.04.2016. godine  
SARAJEVO

PREDSJEDATELJICA  
SKUPŠTINE KANTONA SARAJEVO

Prof. Ana Babić





Odbor za javna priznanja  
Kantona Sarajevo

Broj:01-05-12171/16  
Sarajevo, 21.04.2016.godina

Na osnovu člana 4.stava 1 i 3 i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečošćeni tekst"), Odbor za javna priznanja Kantona Sarajevo, na sjednici održanoj dana 21.04.2016.godine, donio je jednoglasno

**ODLUKU  
O DODJELI PLAKETE  
KANTONA SARAJEVO**

**I**

Kadetskoj košarkaškoj reprezentaciji Bosne i Hercegovine, dodjeljuje se Plaketa Kantona Sarajevo, kao priznanje za postignute uspjehe i rezultate na evropskom prvenstvu, te doprinos razvoju i promociji sporta na području Kantona Sarajevo i afirmaciji države Bosne i Hercegovine.

**II**

Ova odluka dostavlja se Skupštini Kantona Sarajevo na verifikaciju.



**PREDSJEDAVAJUĆI ODBORA**

**Sejo Bukva**



e-mail: [sks@ks.gov.ba](mailto:sks@ks.gov.ba); [www.ks.gov.ba](http://www.ks.gov.ba)  
Tel: + 387 (0) 33 562-055, + 387  
Fax: + 387 (0) 33 562-210  
Sarajevo, Reisa Džemaludina Čauševića 1



Zimbra

aida.arap@skupstina.ks.gov.ba

---

**From :** Sejo Bukva <sejokos@hotmail.com>

Wed, 20 Apr, 2016 14:39

**Subject :** <No Subject>**To :** aida arap <aida.arap@skupstina.ks.gov.ba>

Poštovani,

Kao dopredsjedavajući Skupštine Kantona Sarajevo želim da uputim prijedlog za kolektivnu nagradu povodom Dana Kantona Sarajeva

Želim informisati sve članove komisije da je moj lični prijedlog za kolektivnu nagradu kadetska košarkaška reprezentacije Bosne i Hercegovine jer mislim da su zaslužili da dobiju našu nagradu.

Naime, kadetska košarkaška reprezentacija je evropski prvak u košarci koja je donijela zlato ovoj Državi a samim tim i Kantonu,okupila je preko 50 000 ljudi ispred Vječne vatre gdje su slike sa dočeka objavili i mnogi strani mediji i na taj način su i naš Kanton promovisali u svijetu.

U nadi da će se moj prijedlog uzeti u razmatranje,  
S poštovanjem,  
Sejo Bukva

---

Sarajevo,20.4.2016.

Poštovani,

Kao dopredsjedavajući Skupštine Kantona Sarajevo želim da uputim prijedlog za dodjelu plakete Kantona Sarajevo.

Predlažem članovima komisije da tu nagradu dobije Kadetska košarkaška reprezentacija BiH.

Kadetska reprezentacija je u augustu 2015.g. osvojila prvo mjesto na Evropskom prvenstvu u Litvaniji,pobjeđivši domaćina u finalu,čime je ostvaren historijski uspjeh naše države.

Prije toga je U-16 reprezentacija učestvovala na EYOF-u,Olimpijskim igrama za mlade u Tbilisiju i osvojila zlato savladavši Španiju u finalu.

Momci su pokazali da se predanim trudom i radom mogu ostvariti rezultati o kojima bruji svjetska javnost.

Naime, kadetska košarkaška reprezentacija je evropski prvak u košarci koja je donijela zlato ovoj Državi a samim tim i Kantonu,okupila je preko 50 000 ljudi ispred Vječne vatre gdje su slike sa dočeka objavili i mnogi strani mediji i na taj način su i naš Kanton promovisali u svijetu.

Reprezentaciju BiH čine momci iz cijele BiH a većinu čine djeca iz Kantona Sarajevo.

Džanan Musa,najbolji igrač evropskog prvenstva,je ponikao u K.K. "Koš"-u iz Sarajeva.

I Kanton Sarajevo je pomogao i pomaže ovim momcima u stvaranju rezultata.

Sad počinju pripreme za svjetsko prvenstvo,odužimo im se priznanjem za njihov rad i jedinstvo u ekipi.

Doček Kadetske reprezentacije BiH u našem gradu

U nadi da će se moj prijedlog uzeti u razmatranje,

S poštovanjem,

Sejo Bukva

Sarajevo, 20.4.2016.

Poštovani,

Kao dopredsjedavajući Skupštine Kantona Sarajevo želim da uputim prijedlog za dodjelu plakete Kantona Sarajevo.

Predlažem članovima komisije da tu nagradu dobije Kadetska košarkaška reprezentacija BiH.

Kadetska reprezentacija je u augustu 2015.g. osvojila prvo mjesto na Evropskom prvenstvu u Litvaniji, pobjedivši domaćina u finalu, čime je ostvaren historijski uspjeh naše države.



Prije toga je U-16 reprezentacija učestvovala na EYOF-u, Olimpijskim igrama za mlade u Tbilisiju i osvojila zlato savladavši Španiju u finalu.



Momci su pokazali da se predanim trudom i radom mogu ostvariti rezultati o kojima bruji svjetska javnost.

Naime, kadetska košarkaška reprezentacija je evropski prvak u košarci koja je donijela zlato ovoj Državi a samim tim i Kantonu, okupila je preko 50 000 ljudi ispred Vječne vatre gdje su slike sa dočeka objavili i mnogi strani mediji i na taj način su i naš Kanton promovisali u svijetu.

Reprezentaciju BiH čine momci iz cijele BiH a većinu čine djeca iz Kantona Sarajevo.

Džanan Musa, najbolji igrač europskog prvenstva, je ponikao u K.K. "Koš"-u iz Sarajeva.

I Kanton Sarajevo je pomogao i pomaže ovim momcima u stvaranju rezultata.

Sad počinju pripreme za svjetsko prvenstvo, odužimo im se priznanjem za njihov rad i jedinstvo u ekipi.



Doček Kadetske reprezentacije BiH u našem gradu

U nadi da će se moj prijedlog uzeti u razmatranje,

S poštovanjem,

Sejo Bukva